



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 81. Guisius a Ferrariæ Duce derelictus, ac contra Caraffam questus.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

cem ablegato, & Joanne Capra Lodevenfi Episcopo apud Senatum Venetum Regis Oratore: Attamen discors erat opinantium sententia; quidam enim Cremonam, alii vero Parmam, ac denique nonnulli Senas castra esse promovenda censebant, Guisius tamen in sententia cum Caraffa persistabat, & abrupta omni mora ad Neapolis Regnum recta properandum esse contendebat.

§. LXXXI.

Guisius a Ferrariæ Duce derelictus, ac contra Carassam questus.

Cum autem Dux Ferrariensis de ambitiosis juxta, & temerariis eorum consiliis male auguraretur, ipse, quamvis ex foedere supremus esset Bellidux, veritus, ne milite secum longius abducto interea inde ab octavio Farnesio, & Mediolanensibus præidiariis, inde a Cosma domi opprimeretur, sententiam suam mutare omnino renuit, ac frustra illum sollicitante Caraffa Cardinale non nisi tormenta, pulverem pirium, & reliquum belli apparatus ultro, prout tenebatur, suppeditare pollicitus est. Guisius itaque relicto Socero suo cum Caraffa Cardinale Bononiam proficiscitur, ubi magna specietenus vulgi lætitia exceptus, cum videret, nihil eorum, quæ promissa fuerant, præstari, & pedi-

Sæcul. XVI.

A. C. 1557.

Thuan. l. 18.

Raynald.

hoc ann. n. 7.

Sæc XVI.
A C 1557

peditatum nondum convenisse, graviter cum Caraffa conquestus est, qui factum excusans temporis angustias caussabatur affirmans, quod duodecim millia peditum in Piceno conscribi iussisset. Interea Ferrariensis relicto in exercitu Alphonso Estensi filio suo Venetias perrexit, ubi a Senatu, qui ultro obviam ei processit, octava idus Martii honorifice exceptus, atque in ædes suas deductus est, ubi ter in colloquium secretum admissus cum Principe, & delectis Senatoribus egit, nec non rationes, quibus inductus fœdera subscripsit, coram eis fusius exposuit, significans, quod ob fidem, Pontifici, qui nunc bello injusto petitur, præsto esse teneatur, ut injurias a Philippo Rege acceptas vindicaret, atque ad id ob arctam cum Rege Galliæ affinitatem adstringeretur: postea hac super re consilium ipsorum exposcebat: verum illi tantum responderunt, quod ipse innata prudentia, & longo rerum usu instructus, quid e re sua sit, satis videat, nec consultoribus egeat: Veneti autem in amicitia, quam cum ipso & Duce defuncto ejus Patre hætenus coluerint, constanter permansuri forent.

§. LXXXII.

§. LXXXII.

Sæcul. XVI
A.C. 1557.*Guiffi Ducis exercitus Romam
delatus.*

Postquam Neapolitani Regni invasio esset decreta, consultantibus Caraffa Cardinale, ac Guiffio Duce, qua parte in regnum impetus fieret, tandem tutior visa est via, quæ per Firmum, Asculum, & Civitellam iter pandit. Ergo Guiffius Bononia digressus forum Cornelii, & Ravennam petit, & inde per Picenum itinere facto Faventiam, Livii forum, Cæsenam, ac postremo Ariminum pervenit, ubi Paulus Jordanus Ursinæ familiæ Princeps, ac Cosmæ gener Pontificis jussu sese cum ipso conjunxit, & præmissis inde Essim exercitu ipse Pisaurum, ut cum Urbinatum Duce ageret, profectus est, demum vero veredariis equis Romam ad salutandum Pontificem cum Caraffa contendit, ubi etiam feria tertia ante verum jejunium cum magno populi applausu exceptus cunctis honorum signis cumulabatur, urbem ingressus, perinde ac si insignem reportasset victoriam: adeo enim populus tripudiabat, huncque Virum veluti Liberatorem suum venerabatur, insuper eundem Magistratus, quamprimum ille urbis portam ingressus, ac arcem S. Angeli prætervectus

Hist. Eccles. Tom. XLII. li erat,